

INFORMACIJA
o provođenju Zakona o prijavljivanju i postupku provjere podataka
o imovini nosioca javnih funkcija
u Unsko-sanskom kantonu za 2024. godinu

Bihać, maj 2025. godine

Sadržaj

1. UVOD	2
2. CILJ IZRADE INFORMACIJE	2
3. PROVEDBA ZAKONA.....	3
4. NOSIOCI JAVNIH FUNKCIJA	4
5. PRIJAVE IMOVINE NOSILACA JAVNIH FUNKCIJA I RUKOVODEĆIH DRŽAVNIH SLUŽBENIKA	5
5.1. Vrijednost nepokretne imovine nosilaca javnih funkcija	8
5.2. Vrijednost pokretne imovine nosilaca javnih funkcija	15
5.3. Godišnji prihodi nosilaca javnih funkcija, rukovodećih državnih službenika i njihovih bliskih srodnika	21
5.4. Finansijske obaveze nosilaca javnih funkcija	23
5.5. Podaci o vlasničkom udjelu u privrednim društvima	27
6. IZDAVANJE PREKRŠAJNIH NALOGA	30
7. PROVJERA PODATAKA O IMOVINI NOSILACA JAVNIH FUNKCIJA	30
7.1. Prikupljanje podataka od nadležnih institucija	31
7.2. Analiza izvršene provjere podataka o imovini nosilaca javne funkcije.....	31
7.3. Izvještaj o izvršenoj provjeri	32
8. OSTALE AKTIVNOSTI UREDA	33
9. REGISTAR IZABRANIH I IMENOVANIH LICA I RUKOVODEĆIH DRŽAVNIH SLUŽBENIKA	34
9.1. Izabrani zvaničnici.....	36
9.2. Nosioци izvršnih funkcija i rukovodeći državni službenici	37
10. ZAVRŠNA IZLAGANJA I PREPORUKE ZA UNAPREĐENJE	37

1. UVOD

Skupština Unsko-sanskog kantona (u daljem tekstu: Skupština) je dana 17.12.2020. godine donijela Zakon o prijavljivanju i postupku provjere podataka o imovini nosioca javnih funkcija u Unsko-sanskom kantonu („Službeni glasnik Unsko-sanskog kantona“ broj: 7/21; u daljnjem tekstu: Zakon). Zakon nije propisivao kaznene odredbe, niti je sadržavao odredbe kojima se uređuju nadležnosti, prava, obaveze i organizaciona struktura Ureda za borbu protiv korupcije. Izmjenama i dopunama Zakona usvojenim 15.11.2021. godine propisane su kaznene odredbe i nadležnost Ureda za provođenje Zakona. Međutim, odredbe koje su se odnosile na imenovanje sekretara Ureda za borbu protiv korupcije Unsko-sanskog kantona (u daljnjem tekstu: Ured) bile suprotne odredbama Zakona o državnoj službi u Unsko-sanskom kantonu u skladu sa kojim se trebao provesti izbor i imenovanje sekretara. Dana 11.05.2023. godine donesene su izmjene Zakona u cilju njegovog usklađivanja sa Zakonom o državnoj službi.

Također, Skupština je u julu 2024. godine donijela izmjene i dopune Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu („Službeni glasnik Unsko-sanskog kantona“ broj: 20/24). Posljednjim Izmjenama i dopunama Zakona o prijavljivanju i postupku provjere podataka o imovini nosioca javnih funkcija uvedene su sankcije za kašnjenje u prijavljivanju imovine prilikom stupanja u mandat i pri prestanku mandata. Pored toga, Zakon nije bio usklađen sa Zakonom o prekršajima F BiH, u dijelu koji se odnosi na zastarijevanje sankcije. Nepostojanje usklađenosti sa Zakonom o prekršajima F BiH dovodilo je do pravne nejasnoće i nejednakog postupanja u različitim situacijama. Stoga je bilo važno osigurati da Zakon bude usklađen s relevantnim zakonodavstvom kako bi se izbjegle takve situacije. Također, navedenim izmjenama i dopunama Zakona članovi školskih odbora koji tu funkciju obavljaju bez naknade izuzeti su od obaveze prijavljivanja imovine, a visina novčanih kazni za prekršaje su značajno smanjene.

Kako je propisano samim Zakonom, Ured je nadležan za provođenje istog, što podrazumijeva ovlaštenje za prikupljanje, provjeru i obradu podataka, izdavanje prekršajnih naloga, te uspostavljanje i vođenje Registra podataka o imovini i poklonima nosioca javnih funkcija i rukovodećih državnih službenika. Prijava podataka o imovini i poklonima nosilaca javnih funkcija i njihovih bliskih srodnika se vrši isključivo na propisanim Obrascima u skladu sa Uputstvom donijetim od strane Ureda.

Nadležnosti po osnovu ovog Zakona bile su povod za donošenje Uredbe o osnivanju Ureda za borbu protiv korupcije Unsko-sanskog kantona i Uredbe o uspostavljanju i vođenju Registra ličnih podataka o imovini i postupku provjere imovine nosioca javnih funkcija u Unsko-sanskom kantonu.

2. CILJ IZRADE INFORMACIJE

Glavni cilj Informacije jeste objedinjavanje svih podataka koji se odnose na prijave imovine nosilaca javnih funkcija, rukovodećih državnih službenika i njihovih bliskih srodnika koji s njima žive u zajedničkom domaćinstvu u Unsko-sanskom kantonu, tj. objedinjavanje svih

podataka koji se odnose na provođenje Zakona, u jednom dokumentu, te činjenju istih dostupnim Skupštini, kao i svim drugim relevantnim stranama koje prate rad Ureda kroz realizaciju gore navedenih ciljeva. Također, cilj Informacije jeste i osiguravanje mogućnosti istima za predlaganje preporuka i sugestija koje bi poboljšale rad Ureda i provođenje Zakona.

Ured najmanje jednom godišnje, u skladu sa članom 7. Zakona, podnosi Informaciju Skupštini, kojom zastupnike najvišeg zakonodavnog organa u Unsko-sanskom kantonu upoznaje sa radom Ureda na provođenju ovog antikorupcijskog Zakona. Informacija obuhvata aktivnosti koje se odnose na provođenje Zakona iz nadležnosti Ureda za prošlu godinu, te informiše skupštinske zastupnike o do sada poduzetim aktivnostima, prikupljenim podacima i informacijama, kao i o uočenim problemima sa kojima se Ured susreće pri provedbi Zakona, a u skladu sa nadležnošću utvrđenom ovim Zakonom. U cilju informisanja javnosti, ovu Informaciju Ured objavljuje na svojoj web stranici u skladu sa članom 20. stav 1. Zakona.

Članom 7. Zakona, propisano je da Skupština prati rad Ureda, razmatra informacije Ureda, te druga pitanja oko provođenja ovog Zakona.

Nadalje, u skladu sa Zakonom, Informacija Ureda treba da sadrži statistički obrađene podatke o imovini i to: ukupnu vrijednost imovine i imovinskih prava nosilaca javnih funkcija, rukovodećih državnih službenika ili drugog lica iz člana 1. ovog Zakona, odvojeno prema nivoima vlasti; uvećanu vrijednost imovine koja je nastala u izvještajnom periodu na imovini iz prethodnog perioda; vrijednost evidentiranih poklona u izvještajnom periodu; pojedinačne slučajeve nezakonitog povećanja imovine, odbijanja dostavljanja ili dostavljanja netačnih ličnih podataka, u slučaju da iste utvrde nadležni organi u izvještajnom periodu; izrečene prekršajne kazne, podnesene prijave nadležnom tužilaštvu.

U Informaciji Ured je obradio i objedinio podatke koji se odnose na imovinu nosilaca javnih funkcija i rukovodećih državnih službenika te njihovih bliskih srodnika u zajedničkom domaćinstvu u Unsko-sanskom kantonu. Ukoliko se u toku postupka provjera imovine koje su u toku, utvrde pojedinačni slučajevi nezakonitog povećanja imovine i dostavljanja netačnih podataka o imovini, navedeni podaci će biti sadržani u narednoj Informaciji ovog Ureda.

3. PROVEDBA ZAKONA

Zakon je članom 6. propisao obavezno vođenje Registra ličnih podataka o imovini i postupku provjere imovine nosioca javnih funkcija u Unsko-sanskom kantonu. Na sjednici održanoj dana 02.06. 2022. godine Vlada Unsko-sanskog kantona (u daljnjem tekstu Vlada) je donijela Uredbu o uspostavljanju i vođenju Registra ličnih podataka o imovini i postupku provjere imovine nosioca javnih funkcija u Unsko-sanskom kantonu („Službeni glasnik Unsko-sanskog kantona“, broj: 20/22 i 15/24) (u daljnjem tekstu: Uredba).

Članom 22a. Zakona propisane su kaznene odredbe za neopravdano kašnjenje, za neprijavljivanje imovine prilikom preuzimanja dužnosti ili postavljenja, neprijavljivanje imovine na zahtjev Ureda, neprijavljivanje imovine poslije prestanka funkcije, mandata,

postavljenja, rasporeda na drugo radno mjesto ili prestanka radnog odnosa, nepodnošenje godišnje prijave imovine, davanje lažnih podataka o imovini u namjeri da se prikrije podatak o imovini i poklonu. Kaznena odredba je propisana i za bliskog srodnika koji odbije dostaviti podatke Uredu u skladu sa odredbama Zakona.

Članom 26. Uredbe je propisano ovlaštenje sekretaru Ureda da izdaje prekršajne naloge za učinjene prekršaje iz člana 22a. Zakona.

Ured je u skladu sa članom 28. Uredbe izradio vlastiti obrazac prekršajnog naloga i dostavio ga na odobrenje Federalnom ministarstvu pravde u skladu sa članom 55. stav (7) Zakona o prekršajima te dobio odobrenje nadležnog ministarstva.

4. NOSIOCI JAVNIH FUNKCIJA

Shodno odredbama Zakona, obaveza prijavljivanja imovine i poklona utvrđena je:

- „izabranim dužnosnicima“ smatraju se zastupnici u Skupštini Unsko - sanskog kantona (u daljem tekstu: Skupština), vijećnici u gradskim vijećima gradova i općinskim vijećima općina na teritoriji Unsko-sanskog kantona (u daljem tekstu Kanton);
- „nosiocima izvršnih funkcija“ smatraju se premijer Kantona i članovi Vlade Kantona, gradonačelnici gradova i općinski načelnici općina na teritoriji Kantona, rektor Univerziteta u Bihaću, dekani fakulteta Univerziteta u Bihaću te direktori, izvršni direktori, pomoćnici direktora agencija, fondova, javnih preduzeća, javnih ustanova i institucija koji se imenuju ili postavljaju na mandatni period, zamjenici direktora agencija, fondova, zavoda, javnih preduzeća, javnih ustanova i institucija čiji je osnivač Kanton ili grad/općina, članovi skupština, upravnih i nadzornih odbora direkcija, zavoda, javnih ustanova, javnih preduzeća i drugih institucija čiji osnivač je Kanton, grad ili općina na teritoriji Kantona ili u kome Kanton, grad ili općina na teritoriji Kantona učestvuju sa više od 50% ukupnog kapitala, kao i druga lica, koja su izabrana i imenovana ili je za njihov izbor ili imenovanje data saglasnost od strane zakonodavnog organa Kantona ili gradskih/općinskih vijeća, Vlade Kantona (u daljnjem tekstu: Vlada), gradonačelnika ili općinskog načelnika;
- „savjetnicima“ se smatraju savjetnici izabranih dužnosnika i nosilaca izvršnih funkcija koji se imenuju po lex specialis propisima;
- „ostalim nosiocima javnih funkcija“ smatraju se kantonalni pravobranilac, gradski/općinski pravobranilac i zamjenici pravobranioca, direktor Uprave policije USK, načelnici sektora Uprave policije USK i načelnici policijskih uprava.“
- „rukovodećim državnim službenicima“ smatraju se sva lica postavljena na radna mjesta iz člana 11. stav (1) tačka a) Zakona o državnoj službi u Unsko - sanskom kantonu („Službeni glasnik Unsko - sanskog kantona“, broj: 14/17);
- „ostalim imenovanim licima“ smatraju se lica zaposlena u institucijama iz tačke f) ovog člana imenovana u komisije ili radna tijela i koja ostvaruju godišnju naknadu za rad u tim tijelima u visini najmanje dvije prosječne plate u Federaciji BiH prema posljednjem objavljenom statističkom podatku za godinu u kojoj su te naknade ostvarene, bez obzira

da li je to imenovanje izvršeno u instituciji u kojoj su zaposlena ili drugoj instituciji iz tačke f) ovog člana;“.

5. PRIJAVE IMOVINE NOSILACA JAVNIH FUNKCIJA I RUKOVODEĆIH DRŽAVNIH SLUŽBENIKA

Ured je u 2024. godini po svim osnovama (prilikom preuzimanja dužnosti, godišnje prijavljivanje imovine, poslije završetka dužnosti i na zahtjev Ureda) zaprimio ukupno 1525 prijava imovine od 1090 nosilaca javnih funkcija i rukovodećih državnih službenika. Bitno je napomenuti da je broj prijava imovine kada se dodaju i prijave imovine bliskih srodnika nosilaca javnih funkcija i rukovodećih državnih službenika u Kantonu mnogo veći i on iznosi 3353 prijave.

Imajući u vidu činjenicu da su u oktobru 2024. godine u Bosni i Hercegovini održani Lokalni izbori, koji su rezultirali određenim promjenama i to u pogledu isteka mandata i novih imenovanja na funkcije vijećnika u gradovima i općinama na području Unsko-sanskog kantona, u 2024. godini uvećan je broj pristiglih prijava imovine nosilaca javnih funkcija, kako nakon razrješenja/isteka mandata, tako i nakon preuzimanja dužnosti.

Od ukupno **1090** nosilaca javnih funkcija u Unsko-sanskom kantonu koji su prijavili imovinu u 2024. godini, **277** prijava imovine se odnosi na **izabrane dužnosnike**, **674 prijave imovine** na nosioce izvršnih funkcija, **26 prijave imovine na savjetnike**, te **20 prijave imovine na nosioce ostalih javnih funkcija**. Kada su u pitanju **rukovodeći državni službenici** u Unsko-sanskom kantonu, Ured je zaprimio **93 prijave** imovine u 2024. godini.


U 2024. godini imenovani nosioci javnih funkcija i rukovodeći državni službenici, bili su u obavezi uz svoju, dostaviti i prijave imovine za bliske srodnike s kojima žive u zajedničkom domaćinstvu. Po Zakonu bliskim srođnicima smatraju se braćni i vanbraćni drug, dijete, majka, otac, usvojlac i usvojenik nosioca javne funkcije i rukovodećeg državnog službenika. Nositelj javne funkcije podnosi prijave imovine za bliske srodnike s kojima živi u zajedničkom domaćinstvu, te njihovu prijavu prilaže uz svoju, na zasebnom Obrascu.

U nastavku teksta prikazani su statistički podaci o imovini nosilaca javnih funkcija i rukovodećih državnih službenika, koji su Uredu dostavili prijavu imovine u 2024. godini, a sadržani su u Registru.

Status	Broj nosilaca	Procentualno
Nosioci izvršnih funkcija	674	61.83%
Izabrani dužnosnici	277	25.41 %
Rukovodeći državni službenici	93	8.53 %

Savjetnici	26	2.38%
Ostali nosioci javnih funkcija	20	1.83 %
Ukupno:	1090	100%

Tabela 1. – Broj nosilaca javnih funkcija po statusu javne funkcije



Grafikon 1. - Grafički prikaz broja nosilaca javnih funkcija prema statusu javne funkcije

U registru su podaci o imovini nosilaca javnih funkcija i rukovodećih državnih službenika kantonalnog, gradskog/općinskog nivoa vlasti na teritoriju Unsko-sanskog kantona.


Ured je od nosilaca javnih funkcija sa kantonalnog nivoa vlasti, u 2024. godini zaprimio **529** prijava imovine, što predstavlja **48,53 %** od ukupno zaprimljenih prijava imovine.

Od nosilaca javnih funkcija i rukovodećih državnih službenika sa nivoa vlasti gradova i općina u Kantonu, Ured je zaprimio sljedeći broj prijava; **Grad Bihać** 139 prijava ili 12,75%, **Grad Cazin** 96 prijava ili 8.81%, **Grad Bosanska Krupa** 58 prijave ili 5.32%, **Općina Sanski Most** 105 prijava ili 9,63%, **Općina Velika Kladuša** 46 prijava ili 4.22%, **Općina Bužim** 33 prijava ili 3.03%, **Općina Ključ** 37 prijave ili 3,39% i **Općina Bosanski Petrovac** 47 prijava ili 4.31%.


Nivo vlasti	Broj nosilaca	Procentualno
Unsko-sanski kanton	529	48,53 %
Grad Bihać	139	12,75 %
Grad Cazin	96	8,81 %

Grad Bosanska Krupa	58	5,32 %
Općina Sanski Most	105	9,63 %
Općina Velika Kladuša	46	4,22 %
Općina Bužim	33	3,03 %
Općina Ključ	37	3,39 %
Općina Bosanski Petrovac	47	4,31 %
Ukupno:	1090	100%

Tabela 2. – Broj nosilaca javnih funkcija po nivou vlasti



Grafikon 2. - Grafički prikaz broja nosilaca javnih funkcija po nivoima vlasti



Grafikon 3.i tabela 3. - Grafički prikaz broja nosilaca javnih funkcija po nivoima vlasti i statusu javne funkcije

5.1.Vrijednost nepokretne imovine nosilaca javnih funkcija


Jedan od podataka u ovoj Informaciji, a koji je sadržan u prijavama imovine nosilaca javnih funkcija i rukovodećih državnih službenika jeste i podatak o pravu vlasništva na nepokretnim stvarima u zemlji i inostranstvu.

Ukupna pretpostavljena vrijednost prijavljene nepokretne imovine od **1090** nosilaca javnih funkcija i rukovodećih državnih službenika u 2024. godini iznosi **143.753.019,00 KM**. Ako na ovaj broj dodamo i podatak da pretpostavljena vrijednost nepokretne imovine bliskih srodnika gore navedenih nosilaca javnih funkcija iznosi **83.192.399,00 KM**, ukupna pretpostavljena nepokretna vrijednost imovine nosilaca javnih funkcija zajedno sa njihovim bliskim srodnicima s kojima žive u zajedničkom domaćinstvu iznosi **226.945.418,00 KM**. Također, treba napomenuti da nekolicina nosilaca javnih funkcija i rukovodećih državnih službenika nije dostavila podatak o pretpostavljenoj vrijednosti nepokretne imovine budući da nije Zakonom propisan kao obavezan.

Status	Pretpostavljena vrijednost nepokretne imovine	Pretpostavljena vrijednost nepokretne imovine bliskih srodnika
Izabrani dužnosnici	43.123.356,00	19.749.983,00
Nosioci izvršnih funkcija	80.517.630,00	47.534.410,00

Ostali nosioci javnih funkcija	3.648.008,00	1.514.532,00
Rukovodeći državni službenici	13.325.335,00	12.491.974,00
Savjetnici	3.138.690,00	1.901.500,00
Ukupno:	143.753.019,00	83.192.399,00
Sveukupno:	226. 945.418,00 KM	

Tabela 4. – Tabelarni prikaz pretpostavljene vrijednosti nepokretne imovine nosilaca javnih funkcija i njihovih bliskih srodnika po statusu nosilaca javnih funkcija




Grafikon 4. - Grafički prikaz pretpostavljene vrijednosti nepokretne imovine nosilaca javnih funkcija i njihovih bliskih srodnika po statusu nosilaca javnih funkcija

Nivo vlasti	Pretpostavljena vrijednost nepokretne imovine	Pretpostavljena vrijednost nepokretne imovine bliskih srodnika
Grad Bihać	19.805.820,00	13.995.725,00
Grad Bosanska Krupa	7.419.330,00	2.968.729,00
Grad Cazin	14.402.397,00	5.671.908,00
Općina Bosanski Petrovac	2.868.964,00	2.176.614,00
Općina Bužim	5.118.637,00	1.148.799,00
Općina Ključ	1.685.333,00	1.890.416,00

Općina Sanski Most	9.121.930,00	6.067.940,00
Općina Velika Kladuša	5.876.742,00	3.545.966,00
Unsko-sanski kanton	77.453.866,00	45.726.302,00
Ukupno:	143.753.019,00	83.192.399,00
Sveukupno:	226.945.418,00 KM	

Tabela 5. – Tabelarni prikaz pretpostavljene vrijednosti nepokretne imovine nosilaca javnih funkcija i njihovih bliskih srodnika po nivou vlasti

■ Pretpostavljena vrijednost nepokretne imovine bliskih srodnika
■ Pretpostavljena vrijednost nepokretne imovine




	Općina Bužim	Općina Ključ	Općina Bosanski Petrovac	Grad Bosanska Krupa	Općina Velika Kladuša	Grad Cazin	Općina Sanski Most	Grad Bihać	Unsko-sanski kanton
Pretpostavljena vrijednost nepokretne imovine bliskih srodnika	1.148.799,00	1.890.416,00	2.176.614,00	2.968.729,00	3.545.966,00	5.671.908,00	6.067.940,00	13.995.725,00	45.726.302,00
Pretpostavljena vrijednost nepokretne imovine	5.118.637,00	1.685.333,00	2.868.964,00	7.419.330,00	5.876.742,00	14.402.397,00	9.121.930,00	19.805.820,00	77.453.866,00

Grafikon 5. - Graficki prikaz pretpostavljene vrijednosti nepokretne imovine nosilaca javnih funkcija i njihovih bliskih srodnika po nivou vlasti

Nabavna vrijednost nepokretne imovine nosilaca javnih funkcija i rukovodećih državnih službenika iznosi **45.763.905,00 KM** dok je nabavna vrijednost nepokretne imovine njihovih bliskih srodnika **21.487.956,00 KM**, a što u zbiru čini iznos od **67.251.861,00 KM**. Bitno je napomenuti da se pretpostavljena i nabavna vrijednost imovine razlikuju, a iz razloga što nosioci javnih funkcija koji su naslijedili imovinu, prilikom prijavljivanja iste nisu dostavili podatak o njenoj nabavnoj vrijednosti.

Status	Nabavna vrijednost nepokretne imovine	Nabavna vrijednost nepokretne imovine bliskih srodnika
Izabrani dužnosnici	13.145.025,00	5.242.418,00
Nosioci izvršnih funkcija	25.771.140,00	11.696.170,00
Ostali nosioci javnih funkcija	1.436.165,00	824.332,00
Rukovodeći državni službenici	4.473.825,00	3.284.036,00
Savjetnici	937.750,00	441.000,00
Ukupno:	45.763.905,00	21.487.956,00
Sveukupno:	67.251.861,00 KM	


Tabela 6. – Tabelarni prikaz nabavne vrijednosti nepokretne imovine nosilaca javnih funkcija i njihovih bliskih srodnika po statusu javne funkcije



Grafikon 6. - Grafički prikaz nabavne vrijednosti nepokretne imovine nosilaca javnih funkcija i njihovih bliskih srodnika po statusu javne funkcije

Nivo vlasti	Nabavna vrijednost nepokretne imovine	Nabavna vrijednost nepokretne imovine bliskih srodnika
Grad Bihać	5.193.354,00	3.011.897,00
Grad Bosanska Krupa	1.220.166,00	499.753,00
Grad Cazin	3.416.940,00	1.039.748,00
Općina Bosanski Petrovac	1.647.817,00	756.300,00
Općina Bužim	2.378.966,00	547.500,00
Općina Ključ	684.616,00	698.825,00
Općina Sanski Most	2.071.150,00	2.067.020,00
Općina Velika Kladuša	2.760.280,00	986.465,00
Unsko-sanski kanton	26.390.616,00	11.880.448,00
Ukupno:	45.763.905,00	21.487.956,00
Sveukupno:	67.251.861,00 KM	

Tabela 7. – Tabelarni prikaz nabavne vrijednosti nepokretne imovine nosilaca javnih funkcija i njihovih bliskih srodnika po nivou vlasti



Grafikon 7. - Grafički prikaz nabavne vrijednosti nepokretne imovine nosilaca javnih funkcija i njihovih bliskih srodnika po nivou vlasti


5.2.Vrijednost pokretne imovine nosilaca javnih funkcija

Prijava imovine nosilaca javnih funkcija sadrži i podatke o pravu vlasništva nad pokretnim stvarima koje podliježu registraciji kod nadležnih organa u zemlji i inostranstvu, kao i pravo vlasništva na pokretnim stvarima u vrijednosti većoj od 5.000,00 KM u zemlji i inostranstvu.

Ukupna vrijednost prijavljene pretpostavljene vrijednosti pokretne imovine nosilaca javnih funkcija i rukovodećih državnih službenika iznosi **13.184.739,00 KM**, dok ukupna vrijednost prijavljene pretpostavljene vrijednosti pokretne imovine njihovih bliskih srodnika iznosi **7.809.750,00 KM**, a što u zbiru čini iznos od **20.994.489,00 KM**.

Status	Pretpostavljena vrijednost pokretne imovine	Pretpostavljena vrijednost pokretne imovine bliskih srodnika
Izabrani dužnosnici	3.785.021,00	2.093.500,00
Nosioci izvršnih funkcija	7.651.718,00	4.496.850,00
Ostali nosioci javnih funkcija	253.200,00	163.000,00
Rukovodeći državni službenici	1.151.300,00	888.900,00
Savjetnici	343.500,00	167.500,00
Ukupno:	13.184.739,00	7.809.750,00
Sveukupno:	20.994.489,00 KM	


Tabela 8. – Tabelarni prikaz pretpostavljene vrijednosti pokretne imovine nosilaca javnih funkcija i njihovih bliskih srodnika po statusu javne funkcije



Grafikon 8. - Grafički prikaz pretpostavljene vrijednosti pokretne imovine nosilaca javnih funkcija i njihovih bliskih srodnika po statusu javne funkcije

Nivo vlasti	Pretpostavljena vrijednost pokretne imovine	Pretpostavljena vrijednost pokretne imovine bliskih srodnika
Grad Bihać	1.538.671,00	1.238.950,00
Grad Bosanska Krupa	678.201,00	368.500,00
Grad Cazin	1.181.000,00	417.500,00
Općina Bosanski Petrovac	414.100,00	263.100,00
Općina Bužim	434.500,00	212.500,00
Općina Ključ	302.200,00	408.300,00
Općina Sanski Most	1.092.450,00	477.500,00
Općina Velika Kladuša	553.100,00	375.000,00
Unsko-sanski kanton	6.990.517,00	4.048.400,00
Ukupno:	13.184.739,00	7.809.750,00
Sveukupno:	20.994.489,00 KM	

Tabela 9. – Tabelarni prikaz pretpostavljene vrijednosti pokretne imovine nosilaca javnih funkcija i njihovih bliskih srodnika po nivou vlasti




Grafikon 9. - Grafički prikaz pretpostavljene vrijednosti pokretne imovine nosilaca javnih funkcija i njihovih bliskih srodnika po nivou vlasti

Ukupna vrijednost prijavljene nabavne vrijednosti pokretne imovine nosilaca javnih funkcija i rukovodećih državnih službenika iznosi **15.507.603,00 KM**, dok ukupna vrijednost prijavljene nabavne vrijednosti pokretne imovine njihovih bliskih srodnika iznosi **9.749.449,00 KM** što u zbiru čini iznos od **25.257.052,00 KM**.

Status	Nabavna vrijednost pokretne imovine	Nabavna vrijednost pokretne imovine bliskih srodnika
Izabrani dužnosnici	4.404.804,00	2.535.429,00
Nosioci izvršnih funkcija	9.003.309,00	5.722.050,00
Ostali nosioci javnih funkcija	242.300,00	182.100,00
Rukovodeći državni službenici	1.475.090,00	1.145.670,00
Savjetnici	382.100,00	164.200,00
Ukupno:	15.507.603,00	9.749.449
Sveukupno:	25.257.052,00 KM	


Tabela 10. – Tabelarni prikaz nabavne vrijednosti pokretne imovine nosilaca javnih funkcija i njihovih bliskih srodnika po statusu javne funkcije



Grafikon 10. - Grafički prikaz nabavne vrijednosti pokretne imovine nosilaca javnih funkcija i njihovih bliskih srodnika po statusu javne funkcije

Nivo vlasti	Nabavna vrijednost pokretne imovine	Nabavna vrijednost pokretne imovine bliskih srodnika
Grad Bihać	1.856.490,00	1.329.297,00
Grad Bosanska Krupa	860.000,00	464.500,00
Grad Cazin	1.335.420,00	512.100,00
Općina Bosanski Petrovac	467.790,00	207.700,00
Općina Bužim	561.800,00	245.480,00
Općina Ključ	327.750,00	494.800,00
Općina Sanski Most	1.262.122,00	593.122,00
Općina Velika Kladuša	703.933,00	541.727,00
Unsko-sanski kanton	8.132.298,00	5.360.723,00
Ukupno:	15.507.603,00	9.749.449
Sveukupno:	25.257.052,00 KM	

Tabela 11. – Tabelarni prikaz nabavne vrijednosti pokretne imovine nosilaca javnih funkcija i njihovih bliskih srodnika po nivou vlasti



Grafikon 11. - Grafički prikaz nabavne vrijednosti pokretne imovine nosilaca javnih funkcija i njihovih bliskih srodnika po nivou vlasti

5.3. Godišnji prihodi nosilaca javnih funkcija, rukovodećih državnih službenika i njihovih bliskih srodnika

Nosioci javnih funkcija u obavezi su u svojoj prijavi navoditi podatke o izvoru i visini godišnjih novčanih prihoda u zemlji i inostranstvu, s tim što visinu godišnjeg prihoda navode zasebno po svakoj vrsti prihoda. Ukupni godišnji prihodi nosilaca javnih funkcija i rukovodećih državnih službenika koji su prijavili imovinu Uredu u 2024. godini iznose **29.836.807,00 KM**, dok ukupni godišnji prihodi njihovih bliskih srodnika koji s njima žive u zajedničkom domaćinstvu iznose **15.841.768,00 KM**, što u zbiru ukupno iznosi **45.678.575,00 KM**.

Nivo vlasti	Ukupni godišnji prihodi	Ukupni godišnji prihodi bliskih srodnika
Grad Bihać	3.876.286,00	1.827.004,00
Grad Bosanska Krupa	1.362.057,00	592.417,00
Grad Cazin	2.484.740,00	1.332.944,00
Općina Bosanski Petrovac	947.032,00	522.879,00
Općina Bužim	1.140.918,00	320.542,00
Općina Ključ	763.876,00	653.264,00
Općina Sanski Most	2.623.501,00	1.429.405,00
Općina Velika Kladuša	1.207.079,00	667.909,00
Unsko-sanski kanton	15.431.318,00	8.495.404,00
Ukupno:	29.836.807,00	15.841.768,00
Sveukupno:	45.678.575,00 KM	


Tabela 12. – Tabelarni prikaz ukupnih godišnjih prihoda nosilaca javnih funkcija i rukovodećih državnih službenika i njihovih bliskih srodnika po nivou vlasti



Grafikon 12. - Grafički prikaz ukupnih godišnjih prihoda nosilaca javnih funkcija i rukovodećih državnih službenika i njihovih bliskih srodnika po nivou vlasti

Status	Ukupni godišnji prihodi	Ukupni godišnji prihodi bliskih srodnika
Izabrani dužnosnici	8.301.424,00	4.062.514,00
Nosioci izvršnih funkcija	16.560.355,00	9.189.188,00
Ostali nosioci javnih funkcija	778.047,00	315.032,00
Rukovodeći državni službenici	3.366.514,00	2.026.001,00
Savjetnici	830.467,00	249.033,00
Ukupno:	29.836.807,00	15.841.768,00
Sveukupno:	45.678.575,00 KM	

Tabela 13. – Tabelarni prikaz ukupnih godišnjih prihoda nosilaca javnih funkcija i rukovodećih državnih službenika i njihovih bliskih srodnika po statusu javne funkcije



Grafikon 13. - Grafički prikaz ukupnih godišnjih prihoda nosilaca javnih funkcija i rukovodećih državnih službenika i njihovih bliskih srodnika po statusu javne funkcije


5.4. Finansijske obaveze nosilaca javnih funkcija

Nosioci javnih funkcija i rukovodeći državni službenici u obavezi su Uredu prijaviti finansijske obaveze, tj. dugovanja prema pravnim i fizičkim licima u zemlji i inostranstvu u iznosu većem od 5.000,00 KM.

Ukupan iznos finansijskih obaveza nosilaca javnih funkcija iznosi **25.434.275,00 KM**, dok finansijske obaveze njihovih bliskih srodnika iznose **10.339.633,00 KM**, što u zbiru ukupno čini iznos od **35.773.908,00 KM**.

Status	Podaci o finansijskim obavezama	Podaci o finansijskim obavezama bliskih srodnika
Izabrani dužnosnici	4.900.383,00	1.854.779,00
Nosioci izvršnih funkcija	16.022.590,00	5.751.300,00
Ostali nosioci javnih funkcija	778.034,00	311.180,00
Rukovodeći državni službenici	3.409.625,00	1.927.500,00
Savjetnici	323.643,00	494.874,00
Ukupno:	25.434.275,00	10.339.633,00
Sveukupno:	35.773.908,00 KM	


Tabela 14. – Tabelarni prikaz ukupnih finansijskih obaveza nosilaca javnih funkcija i njihovih bliskih srodnika po statusu javne funkcije



Grafikon 14. - Grafički prikaz ukupnih finansijskih obaveza nosilaca javnih funkcija i njihovih bliskih srodnika po statusu javne funkcije

Nivo vlasti	Podaci o finansijskim obavezama	Podaci o finansijskim obavezama bliskih srodnika
Grad Bihać	3.735.293,00	1.396.247,00
Grad Bosanska Krupa	1.249.352,00	339.398,00
Grad Cazin	2.108.331,00	961.779,00
Općina Bosanski Petrovac	907.966,00	324.078,00
Općina Bužim	367.607,00	83.073,00
Općina Ključ	348.496,00	126.191,00
Općina Sanski Most	1.207.255,00	508.749,00
Općina Velika Kladuša	1.051.790,00	141.208,00
Unsko-sanski kanton	14.458.185,00	6.458.910,00
Ukupno:	25.434.275,00	10.339.633,00
Sveukupno:	35.773.908,00 KM	

Tabela 15. – Tabelarni prikaz ukupnih finansijskih obaveza nosilaca javnih funkcija i njihovih bliskih srodnika po nivou vlasti



Grafikon 15. – Grafiki prikaz ukupnih finansijskih obaveza nosilaca javnih funkcija i njihovih bliskih srodnika po nivou vlast

5.5. Podaci o vlasničkom udjelu u privrednim društvima


Prilikom prijave imovine nosioci javnih funkcija i rukovodeći državni službenici u obavezi su Uredu prijaviti udio u pravnom licu, kao i poslovni udio u pravnom licu njihovih bliskih srodnika.

Prema dostavljenim podacima Uredu, udio u pravnim licima iznosi **8.320.097,00 KM**, dok njihovi bliski srodnici posjeduju udjele kod pravnih lica u iznosu od **873.789,00 KM**, što u zbiru čini iznos od **9.193.886,00 KM**.

Kod navedene stavke bitno je napomenuti da je većina nosilaca javnih funkcija i rukovodećih državnih službenika umjesto vrijednosti udjela u pravnim licima navodila vrijednost početnog i osnovnog kapitala pravnog lica odnosno ulog (**kapital**) koji je osnivač ili član unio u firmu, te s toga je ovaj iznos zasigurno mnogo veći.

Status	Vlasnički udio u pravnom licu	Vlasnički udio u pravnom licu bliskih srodnika
Izabrani dužnosnici	7.357.861,00	165.829,00
Nosioci izvršnih funkcija	548.927,00	686.160,00
Ostali nosioci javnih funkcija	19.000,00	
Rukovodeći državni službenici	380.990,00	
Savjetnici	13.319,00	21.800,00
Ukupno:	8.320.097,00	873.789,00
Sveukupno:		9.193.886,00 KM


Tabela 16. – Tabelarni prikaz podataka o vlasničkom udjelu i dionicama u privrednim društvima i drugim institucijama nosilaca javnih funkcija i njihovih bliskih srodnika po statusu javne funkcije



Grafikon 16. - Grafički prikaz podataka o vlasničkom udjelu i dionicama u privrednim društvima i drugim institucijama nosilaca javnih funkcija i njihovih bliskih srodnika po statusu javne funkcije

Nivo vlasti	Vlasnički udio u pravnom licu	Vlasnički dio u pravnom licu bliskih srodnika
Grad Bihać	1.842.099,00	6.000,00
Grad Bosanska Krupa	505.500,00	110.000,00
Grad Cazin	1.040.032,00	17.300,00
Općina Bosanski Petrovac	425.000,00	2.050,00
Općina Bužim	1.282.000,00	
Općina Ključ	2.000,00	40.761,00
Općina Sanski Most	1.000,00	103.068,00
Općina Velika Kladuša	750.000,00	1.000,00
Unsko-sanski kanton	2.472.466,00	593.610,00
Ukupno:	8.320.097,00	873.789,00
Sveukupno:	9.193.886,00 KM	

Tabela 17. – Tabelarni prikaz podataka o vlasničkom udjelu i dionicama u privrednim društvima i drugim institucijama nosilaca javnih funkcija i njihovih bliskih srodnika po nivou vlasti



Grafikon 17. - Grafički prikaz podataka o vlasničkom udjelu i dionicama u privrednim društvima i drugim institucijama nosilaca javnih funkcija i njihovih bliskih srodnika po nivou vlasti

6. IZDAVANJE PREKRŠAJNIH NALOGA

Za 2024. godinu Ured je evidentirao 463 nosioca javnih funkcija i rukovodećih državnih službenika koji su prekršili Zakon (*u smislu neprijavljivanja imovine, kašnjenja sa dostavljanjem prijava imovine po svim osnovama i neprijavljivanje imovine u zakonskim rokovima po svim osnovama*).

Od ukupnog broja evidentiranih, Ured je do izrade ove informacije izdao 273 prekršajna naloga, dok je za preostalih evidentiranih 190 lica u prekršaju, izdavanje prekršajnih naloga u toku.

7. PROVJERA PODATAKA O IMOVINI NOSILACA JAVNIH FUNKCIJA

Ono što Zakon čini jedinstvenim je i činjenica da predviđa institut provjere podataka o imovini nosilaca javnih funkcija i rukovodećih državnih službenika u Unsko-sanskom kantonu. Uredba u članu 17. stav (5) propisuje obavezu Ureda da donese Plan provjera podataka o imovini nosilaca javnih funkcija i rukovodećih državnih službenika u Unsko-sanskom kantonu (u daljem tekstu: Plan provjera), u periodu od 1. do 31. januara za svaku kalendarsku godinu. U skladu s tim, Ured će kroz Plan provjera, utvrditi da se provjere i kontrolišu podaci o imovini, izvorima i vrsti prihoda kojim je ta imovina kupljena, kao i poklona koje su za vrijeme obavljanja dužnosti nosioci javnih funkcija primili, u tri faze:

1. Kontrola dostavljenih obrazaca;
2. Redovne provjere podataka o imovini i poklonima nosilaca javnih funkcija;
3. Vanredne provjere podataka o imovini i poklonima nosilaca javnih funkcija.

Ured je donio svoj Plan provjera za 2024. godinu u propisanom roku.

Prva faza predstavlja zapravo provjeru svake prijave imovine, koju Ured zaprimi, u cilju utvrđivanja postojanja ili nepostojanja materijalnih grešaka ili pogrešno popunjenih prijava. U slučaju utvrđivanja materijalne greške, greške u popunjavanju ili nepotpune prijave, obavještava se podnosilac prijave o uočenim nedostacima, te mu se ostavlja rok od 15 dana od dana primanja obavještenja da prijavu ispravi ili dopuni. Za 2024. godinu Ured je prema svim nosiocima javnih funkcija i rukovodećim državnim službenicima čije su prijave bile nepotpune uputio poziv za dopunu prijava imovine u skladu sa članom 28. stav (2) Zakona.

Redovne provjere podataka o imovini i poklonima nosilaca javnih funkcija i rukovodećih državnih službenika vrše se metodom slučajnog odabira, s tim da se ne može vršiti redovna provjera podataka o imovini i poklonima jednog nosioca javne funkcije i rukovodećeg državnog službenika više puta, ukoliko prethodno nisu svi nosioci javnih funkcija i rukovodeći državni službenici obuhvaćeni provjerom. Ured je na osnovu člana 17. stav (3) Uredbe u obavezi da u toku svake kalendarske godine izvrši provjeru podataka o imovini i poklonima, izvorima i vrsti prihoda kojim je imovina kupljena za najmanje 100 nosilaca javnih funkcija.

Vanredne provjere podataka o imovini i poklonima nosilaca javnih funkcija i rukovodećih državnih službenika vrše se po službenoj dužnosti, na osnovu:

- a) obrazložene prijave drugog organa ili institucije, fizičkog ili pravnog lica (uključujući i sredstva informisanja) o netačnosti navoda u prijavi određenog nosioca javne funkcije.

Redovne provjere podataka o imovini i poklonima nosilaca javnih funkcija i rukovodećih državnih službenika vrše se metodom slučajnog odabira. Sekretar Ureda donosi rješenje kojim ovlašćuje službeno lice Ureda da vodi postupak provjere podataka o imovini i poklonima nosilaca javnih funkcija, u kojem navodi obim i mjeru njegovih ovlaštenja, obaveza i subjekte konkretne provjere. Ovlašteno lice Ureda, neposredno nakon ovlaštenja da vodi postupak provjere, preduzima radnje prikupljanja isprava i dokaza o vlasništvu nad nepokretnom imovinom koja je predmet provjere, nad pokretnim stvarima koje podliježu registraciji nadležnih organa i pokretnim stvarima u vrijednosti većoj od 5.000 KM, provjeri isprava i dokaza o prihodima, rashodima i finansijskim obavezama subjekta provjere. Također, provjerom se prikupljaju podaci o dionicama, akcijama, obveznicama i udjelima u pravnim licima i drugim vrijednosnim papirima subjekta provjere, prihodima od finansijskog kapitala, autorskih, patentnih i sličnih prava intelektualne svojine, depozitima u bankama i drugim finansijskim organizacijama i sl.

7.1. Prikupljanje podataka od nadležnih institucija

Ovlašteno lice Ureda prikuplja podatke o imovini nosilaca javnih funkcija i rukovodećih državnih službenika u Unsko-sanskom kantonu, na način da upućuje dopise organima i institucijama koje u svojoj nadležnosti vode evidencije o tim podacima. Da se radi o veoma kompleksnom i često dugotrajnom procesu dovoljno je navesti da se Ured u provođenju ovih aktivnosti obratio relevantnim institucijama i to: matičnim uredima (izvodi iz matičnih knjiga), mjesno nadležnim sudovima (zemljišnoknjižnim odjeljenjima) ili Republičkoj upravi za geodetske i imovinsko-pravne poslove RS, nadležnom ministarstvu unutrašnjih poslova, Registru vrijednosnih papira FBiH, Centralnoj banci BiH, Poreznoj upravi FBiH, Institutu za intelektualno vlasništvo BiH, komercijalnim bankama koje posluju na teritoriji BiH, te ostalim nadležnim institucijama.

Također, u ovim postupcima Ured utvrđuje i činjenice koje se odnose na rukovodeće državne službenike i bliske srodnike u zajedničkom domaćinstvu, onako kako je to propisano Zakonom, odnosno Uredbom. *Naime, to znači da se ne radi samo o 100 nosilaca javnih funkcija, nego i bliskim srodnicima, što znači da će broj provjera biti daleko veći. Ukupan broj lica za koje se trenutno vrši provjera podataka o imovini za 2024. godinu iznosi 333.*

7.2. Analiza izvršene provjere podataka o imovini nosilaca javne funkcije

Nakon okončanja postupka prikupljanja isprava i dokaza o vlasništvu nad imovinom nosioca javne funkcije koja je predmet provjere, izvorima i vrsti prihoda kojima je imovina kupljena, provjerom isprava i dokaza o prihodima, rashodima i finansijskim obavezama subjekta provjere, službeno lice Ureda pristupa analizi prikupljene dokumentacije. U ovoj analizi prikupljeni podaci o imovini dodatno se upoređuju sa podacima koje je nosilac javne funkcije naveo u Obrascu prijave imovine, te u zavisnosti od rezultata ove uporedbe, Ured preduzima Zakonom predviđene naredne radnje i aktivnosti u ovom procesu.

Ukoliko se utvrdi da je nosilac javne funkcije u svojoj prijavi imovine naveo sve podatke o imovini, te da provjerom nije utvrđeno da postoji neka imovina koja nije navedena u prijavi, to se navodi u Izvještaju o provjeri.

U slučaju kada bude utvrđen nesklad između prijavljene imovine i činjenica utvrđenih postupkom provjere, a prije formalnog okončanja provjere, ovlašteno lice Ureda dužno je omogućiti subjektu provjere da se u roku od 15 dana od prijema akta izjasni o svim činjenicama i okolnostima relevantnim za provjeru.

7.3. Izvještaj o izvršenoj provjeri

Ovlašteno lice Ureda provjeru završava sačinjavanjem izvještaja o izvršenoj provjeri podataka o imovini i poklonima, izvorima i vrsti prihoda kojom je imovina kupljena. U slučaju da provjerom nije uočena nesrazmjera između podataka o imovini koje je Ured prikupio i podataka koje je nosilac javne funkcije i rukovodeći državni službenik naveo u Obrascu prijave imovine, kao i u slučaju da ne postoji osnov sumnje u pogledu istinitosti podataka o imovini nosioca javne funkcije i rukovodećeg državnog službenika, sačinjeni izvještaj se ulaže u personalni dosje nosioca javne funkcije i rukovodećeg državnog službenika, te se provjera smatra okončanom.

U slučaju da je provjerom utvrđena nepodudarnost podataka koje je nosilac javne funkcije i rukovodeći državni službenik naveo u Obrascu prijave imovine i podataka koje je Ured, u postupku provjere, prikupio, Ured sačinjeni izvještaj, sa svim prikupljenim ispravama i dokazima, prosljeđuje na postupanje nadležnom tužilaštvu. U slučaju da se utvrdi nesrazmjer između prihoda i imovine, ukoliko postoji osnova sumnje u istinitost podataka u prijavi imovine ili zakonitosti načina na koji je imovina stečena, Ured će o tome obavijestiti nadležno tužilaštvo, porezne ili druge organe, a uz obavijest će poslati svu prikupljenu dokumentaciju, popunjene obrasce prijave imovine od strane subjekta provjere, njegovo izjašnjenje i Izvještaj o izvršenoj provjeri (fotokopije). Ukoliko utvrđena povreda sadrži obilježja krivičnog djela, Ured će nadležnom tužilaštvu podnijeti krivičnu prijavu, s obzirom da Obrazac prijave imovine ima status službene isprave u skladu sa Krivičnim zakonom Federacije Bosne i Hercegovine.

U slučaju da je provjerom utvrđena neka od ranije pomenutih nepodudarnosti između podataka koje je nosilac javne funkcije i rukovodeći državni službenik naveo u Obrascu prijave

imovine i podataka koje je Ured u postupku provjere prikupio, Ured je, nakon prosljeđivanja obavijesti ili krivične prijave nadležnom tužilaštvu, poreznim i drugim organima, završio postupak provjere imovine. Ured će tražiti da ga tužilaštvo, porezni i drugi organi obavijeste o poduzetim radnjama u svakom konkretnom slučaju, a naročito u predmetima u kojima je podnio krivične prijave nadležnom tužilaštvu.

8. OSTALE AKTIVNOSTI UREDA

U 2024. godini, pored gore navedenog broja prijava imovine koje je zaprimio ovaj Ured, kroz Djelovodnik predmeta i akata Ured je zaprimio i obradio ukupno 1812 predmeta.

U 2024. godini realizirane su aktivnosti u vezi sa donošenjem propisa koji su uslijedili nakon uspostave Ureda, a koji obuhvataju Odluku o uspostavi registra izabраних i imenovaniх lica i rukovodećih državnih službenika, kojoj su pristupili gradovi i općine sa područja Unsko-sanskog kantona. Također, doneseni su Pravilnik o zaštiti ličnih podataka, Plan sigurnosti ličnih podataka u Uredu, Metodologija za postupanje po prijavama korupcije, Odluka o listi radnih mjesta za koja je potrebno izdavanje dozvole za pristup tajnim podacima, Pravilnik o plaćama, naknadama i drugim materijalnim pravima državnih službenika i namještenika u Uredu za borbu protiv korupcije, te propisane organizacijske i tehničke mjere zaštite ličnih podataka. Ostali doneseni podzakonski akti obuhvatili su regulisanje video-nadzora u Uredu, oblikovanje obrasca prijave imovine, metodologiju prikupljanja podataka za provjeru imovine, te druge tehničke smjernice za nesmetano funkcionisanje Ureda.

Razvijena su informatička rješenja za pet registara od čega su dva uspostavljena i učinjena dostupnim javnosti u septembru 2024. godine. Za preostale planirane registre, potrebno je usvojiti zakonska rješenja koja će stvoriti normativni okvir za njihovo uspostavljanje.

Ured je potpisao Sporazum sa IDDEEA-om o tehničkom pristupu evidenciji izvornog organa putem aplikacije i osiguranje pristupa Registru novčanih kazni.

Potpisan je Memorandum o saradnji sa Kantonalnim tužilaštvom Unsko-sanskog kantona i Upravom policije MUP-a USK, a kojim je definisan način postupanja i saradnje po prijavama korupcije.

U skladu sa Strategijom za borbu protiv korupcije Unsko-sanskog kantona i preporukama Ureda za reviziju F BiH, Ured vrši prikupljanje Planova integriteta institucija na nivou Unsko-sanskog kantona, aktivno prikuplja podatke za izradu baze rizika - internog e-registra, koji će omogućiti veću informiranost javnosti i osigurati transparentnost rada institucija u USK, te daje mišljenja na Planove integriteta.

Ukupan broj institucija na Unsko-sanskom kantonu koje su u obavezi izrade Plana integriteta je 199. Do sada je dostavljeno 97 planova integriteta, u toku realizacije je 50 planova integriteta i 52 institucije nisu pristupile izradi Plana integriteta. Problem također predstavlja

nejasan pravni osnov te bi isto kao primjera radi u Kantonu Sarajevo trebalo definisati kroz Zakon o prevenciji i suzbijanju korupcije.


9. REGISTAR IZABRANIH I IMENOVANIH LICA I RUKOVODEĆIH DRŽAVNIH SLUŽBENIKA

Registar izabranih i imenovanih lica i rukovodećih državnih službenika u Unsko-sanskom kantonu osnovni je registar u radu Ureda, a koji osim sadržanih nosilaca javnih funkcija i rukovodećih državnih službenika, sadrži i ostala imenovana lica koja su imenovana na kantonalnom i gradskom/općinskom nivou.


Registar izabranih i imenovanih lica i rukovodećih državnih službenika u Unsko-sanskom kantonu uspostavljen je i objavljen u septembru 2024. godine na web stranici Ureda, te je do kraja iste godine sadržavao podatke za **5010** lica.

Registar sadrži kategorisani prikaz institucija Unsko-sanskog kantona (institucije Vlade Unsko-sanskog kantona, Ministarstva Unsko-sanskog kantona, pravosudne institucije, javne ustanove i zdravstvene ustanove na području Unsko-sanskog kantona), općinska i gradska javna preduzeća, javne ustanove i javna komunalna preduzeća kao i izabrane dužnosnike općinskih i gradskih vijeća i to po nivou vlasti.

Ukupan broj institucija na području Unsko-sanskog kantona je 216, od čega su 143 na nivou Kantona, a 73 na gradskom/općinskom nivou.



Grafikon 1. Ukupan broj javnih institucija na području Unsko-sanskog kantona



Grafikon 2. Ukupan broj javnih institucija - gradski /općinski nivo vlasti

- Pripadajuća mjesečna osnovna primanja u registru izabranih i imenovanih lica i rukovodećih državnih službenika u Unsko-sanskom kantonu


Dole navedena primanja, u registru izabranih i imenovanih lica i rukovodećih državnih službenika u Unsko-sanskom kantonu, odnose se na **osnovna neto mjesečna** pripadajuća primanja, po različitim vrstama naknada.

Uzimajući u obzir da se radi o komisijama i drugim radnim tijelima, dole navedeni iznosi mogli su biti isplaćeni u jednom mjesecu u cjelokupnom navedenom iznosu, dok također, ista radna tijela mogu biti isplaćivana tokom cijele godine.

Možemo uzeti za primjer određeni organ državne službe ili drugu javnu ustanovu, u kojoj se imenovana lica imenuju u komisije, koje se isplaćuju npr. jednom mjesečno/ukoliko je održana sjednica. Ovo navodimo iz razloga što Registar izabranih i imenovanih lica i rukovodećih državnih službenika u Unsko-sanskom kantonu sadrži predviđene mjesečne naknade za različite vrste imenovanih komisija i drugih radnih tijela.

Komisije i druga radna tijela:

- Jednokratna primanja: 83. 030,00 KM
- Mjesečna primanja: 86. 383,00 KM




Grafikon 3. Visina osnovnih primanja (komisije i radna tijela) u Unsko-sanskom kantonu

9.1. Izabrani zvaničnici

Iznosi se odnose na mjesečna osnovna primanja izabranih zvaničnika u Unsko-sanskom kantonu (gradski i općinski vijećnici te zastupnici u Skupštini USK)

Gradska i općinska vijeća: 95.247,00 KM

Skupština Unsko-sanskog kantona: 77.078,50 KM



Grafikon 4. Visina osnovnih primanja (izabrani zvaničnici) u Unsko-sanskom kantonu

9.2. Nosioци izvršnih funkcija i rukovodeći državni službenici


Iznosi se odnose na mjesečna osnovna primanja nosilaca izvršnih funkcija i rukovodećih državnih službenika.

Direktori (v.d., izvršni, zamjenici direktora) – 513.031,00 KM

Nadzorni, upravni odbori, skupštine preduzeća – 79.804,00 KM

Gradonačelnici, pomoćnici i savjetnici – 58.636,00 KM

Općinski načelnici, pomoćnici i savjetnici – 79.554,00 KM



Grafikon 4. Visina osnovnih primanja nosilaca izvršnih funkcija i rukovodećih državnih službenika u Unsko-sanskom kantonu

10. ZAVRŠNA IZLAGANJA I PREPORUKE ZA UNAPREĐENJE

Objava podataka o imovini nosilaca javnih funkcija i rukovodećih državnih službenika Unsko-sanskog kantona u Registru podataka o imovini i poklonima predstavlja značajan korak ka transparentnosti i odgovornosti. Ova praksa omogućava svim zainteresiranim građanima da, u slučaju posjedovanja relevantnih saznanja, reaguju ukoliko uoče neslaganja između objavljenih podataka i stvarnog imovinskog stanja.

U analiziranom periodu, koji je predmet ovog izvještaja, evidentiran je napredak u radu Ureda u svim ključnim segmentima implementacije i nadzora nad provođenjem Zakona. Posebno se ističe unapređenje u postupcima kontrole imovine, primjeni kaznenih odredbi, uspostavljanju i jačanju saradnje s nadležnim institucijama, kao i komunikaciji s nosiocima javnih funkcija.

Nadzorne aktivnosti koje se odnose na primjenu Zakona sve više poprimaju karakter redovnog institucionalnog djelovanja, što ukazuje na pozitivne pomake u institucionalizaciji

borbe protiv korupcije. U tom kontekstu, opravdano je očekivati daljnji napredak u budućem periodu.

Kroz obradu podataka iz dostavljenih prijava imovine nosilaca javnih funkcija i rukovodećih državnih službenika uočeno je da su 102 lica istovremeno obavljala više javnih funkcija. Ovaj podatak ukazuje na potrebu regulisanja pitanja nespojivosti funkcija u cilju sprečavanja sukoba interesa.

Nadalje, kako bi Ured mogao aktivno raditi na uspostavi informacionog antikoruptivnog sistema Unsko-sanskog kantona – koji za cilj ima dodatno unaprijediti efikasnost, transparentnost i međuinstitucionalnu saradnju u borbi protiv korupcije – neophodno je osigurati odgovarajući pravni okvir.

U tom kontekstu, za daljnji razvoj i efektivan rad Ureda, potrebno je donijeti i dodatne antikorupcijske zakone koji će omogućiti cjelovitu i sistemsku primjenu antikorupcijskih mjera u skladu s domaćim i međunarodnim standardima.

SEKRETAR UREDA
Adela Tabaković, dipl.pravnik
2. 6. 2025.



Signed by: Adela Tabaković



Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“, br. 9/17 i 11/21), na prijedlog Vlade Unsko-sanskog kantona, na 31. redovnoj sjednici, održanoj dana 31.10.2025.godine, Skupština Unsko-sanskog kantona, donosi

ZAKLJUČAK

Član 1.

Prihvata se Informacija o provođenju Zakona o prijavljivanju i postupku provjere podataka o imovini nosioca javnih funkcija u USK-a za 2024.godinu.

Član 2.

Ovaj Zaključak stupa na snagu danom donošenja i objaviće se u „Službenom glasniku Unsko – sanskog kantona“.

Broj: 01/1-2-45-575/25
Bihać, 31.10.2025.godine

